


Organizacija za sigurnost i saradnju u Evropi **Misija u Bosni i Hercegovini**



Ko smo mi?

Opšti okvirni sporazum za mir u Bosni i Hercegovini, usaglašen u Daytonu u Sjedinjenim Američkim Državama, a potpisan u Parizu u Francuskoj 1995. godine, definiše rad Misije OSCE-a u Bosni i Hercegovini. Ovim sporazumom Misija je uspostavljena kao jedno od tijela zaduženih za pružanje pomoći u osiguranju trajnog mira u BiH i izgradnji stabilne, sigurne i demokratske države.

Sa svojim glavnim uredom u glavnom gradu BiH, Sarajevu, Misija OSCE-a u Bosni i Hercegovini se u svom radu u velikoj mjeri oslanja na razgranatu mrežu od devet terenskih kancelarija i dvije privremene kancelarije, kako bi se u potpunosti angažovala u radu sa građanima i vlastima na svim nivoima, od opštinskog, kantonalnog, entitetskog, pa sve do državnog nivoa vlasti.

Struktura terenskih kancelarija i aktivnosti Misije ostaje fleksibilna kako bi se prilagodili društvenim i političkim događanjima.

Rad Misije obuhvata devet tematskih oblasti, i to: ljudska prava, obrazovanje, vladavina zakona, ravnopravnost spolova, demokratsko upravljanje, sigurnosna saradnja, okolišne i ekonomske aktivnosti, mladi i sloboda medija.

Jedna od prvobitnih nadležnosti Misije za održavanje izbora, 2002. godine prenesena je na Centralnu izbornu komisiju Bosne i Hercegovine.



Misija sarađuje sa Parlamentarnom skupštinom BiH na unapređenju njene efikasnosti, povećanju obima učešća građana u parlamentarnim procedurama i jačanju kapaciteta Skupštine u reformskim procesima.



Od svih međunarodnih organizacija koje djeluju u BiH, Misija ima vodeću ulogu u oblasti obrazovanja, u okviru koje se bori protiv diskriminatorne politike djelovanja i prakse tako što pruža podršku domaćim vlastima u iznalaženju dugoročnih i inkluzivnih rješenja za cijeli obrazovni sistem.

Čime se bavimo?

Osnovni cilj Misije je promocija stabilnosti i pomirenja, te pružanje podrške Bosni i Hercegovini na njenom putu ka regionalnoj, političkoj, ekonomskoj i socijalnoj integraciji.

Ljudska prava

Misija svojim radom doprinosi boljem razumijevanju i poštivanju ljudskih prava. Cilj Misije je jačanje provedbe politika rada i zakona kojima se otklanja diskriminacija i ostvaruje integracija nacionalnih manjina, te saradnja sa ostalim međunarodnim partnerima i domaćim institucijama, u cilju unapređenja uslova za održiv povratak raseljenih lica. Misija takođe blisko sarađuje sa vjerskim zajednicama – kako sa pojedincima, tako i sa zajednicama.

Obrazovanje

Misija ima vodeću ulogu unutar međunarodne zajednice u Bosni i Hercegovini, u pružanju podrške reformi osnovnog i srednjoškolskog obrazovanja u BiH. Sa fokusom na kvalitetno obrazovanje bez diskriminacije, Misija svoje aktivnosti usmjerava na mjenjanje politika rada i praksi kojima se produbljuju etničke podjele i nepovjerenje, kroz pružanje podrške lokalnim institucijama vlasti u pronalaženju dugoročnih i inkluzivnih rješenja.

Vladavina zakona

Osnovni cilj Misije je jačanje kapaciteta u cilju stvaranja snažnih, efikasnih, nepristrasnih i nezavisnih pravosudnih institucija, koje su podjednako dostupne svim građanima. Misija pruža podršku sistemu krivičnog pravosuđa u pravičnom i efikasnom procesuiranju ozbiljnih i osjetljivih predmeta

Nalazi i zapažanja Misije o odgovoru pravosudnih institucija slučajeve ratnih zločina, zločina počinjenih iz mržnje i trgovine ljudima, predstavljaju osnovu za pružanje savjetodavne pomoć i institucijama vlasti, u cilju poboljšanja efikasnosti rada pravosudnih institucija i osiguranja pravde za žrtve navedenih krivičnih djela.

Ravnopravnost spolova

Žene su nedovoljno zastupljene u javnom i političkom životu. Nasilje zasnovano na spolu i dalje je veoma rasprostranjen oblik nasilja, koji se rijetko prijavljuje nadležnim organima. U cilju borbe protiv ovih pojava, Misija radi sa političkim strankama na ostvarenju

principa ravnopravnosti spolova i promoviše rodno odgovorno budžetiranje. Misija sarađuje sa tijelima za provođenje zakona, u cilju jačanja implementacije Rezolucije Vijeća sigurnosti UN-a br. 1325 o ženama, miru i sigurnosti, te vodi računa o ostvarenju ravnopravnosti spolova u provedbi svojih aktivnosti u oblasti suzbijanja nasilnog ekstremizma. Misija promoviše saradnju između svih aktera angažovanih u predmetima nasilja u porodici.

Demokratsko upravljanje

Misija nastoji ojačati saradnju među institucijama i građanima, u cilju provedbe reformi u oblasti demokratskog upravljanja. Ključne aktivnosti u ovoj oblasti obuhvataju borbu protiv korupcije, izgradnju odgovornih i transparentnih državnih institucija, povećanje obima učešća građana, jačanje društvene povezanosti i pomirenja, te praćenje faktora koji ograničavaju funkcionisanje institucija i razvijanje odnosa između različitih zajednica.

Misija nastoji omogućiti građanima da učestvuju u procesima odlučivanja i jačati lokalna partnerstva, kao što su Koalicije za borbu protiv mržnje.

Sigurnosna saradnja

Osnaživanjem aktera na lokalnom nivou, angažmanom mladih, te uspostavljanjem saradnje i dijaloga između različitih sektora, Misija pomaže Bosni i Hercegovini da se suoči sa prijetnjama i posljedicama nasilnog ekstremizma. Misija pruža pomoć vlastima u ublažavanju posljedica transnacionalnih prijetnji i jačanju cyber sigurnosti. Kroz organizovanje informativnih kampanja i obuka, Misija pruža podršku razvoju sektora sigurnosti koji radi na transparentan način, koji je odgovoran i sposoban reagovati na sve složenije izazove, te istovremeno raditi na ispunjenju međunarodnih obaveza Bosne i Hercegovine. Misija doprinosi sigurnosti građana Bosne i Hercegovine, kroz zalaganje za sigurno zbrinjavanje viškova oružja, municije i eksplozivnih



Angažujući mlade putem održavanja obuka i jačanja međusektorske saradnje, Misija pruža pomoć BiH da se suoči sa prijetnjama radikalizacije i nasilnog ekstremizma.

Čime se bavimo?

(nastavak)

sredstava i unapređenje fizičke sigurnosti na skladišnim lokacijama.

Zaštita okoliša

Misija podstiče dijalog o zaštiti okoliša između institucija vlasti i civilnog društva, te sarađuje sa vlastima kako bi ojačala njihove kapacitete u smanjenju rizika od katastrofa i poboljšala njihovu pripremljenost.

Mladi

Prepoznajući ulogu mladih kao partnera u ostvarenju pozitivnih promjena i promotora mira i pomirenja, Misija radi sa mladima na suzbijanju radikalizacije i nasilnog ekstremizma,

govora mržnje, incidenata motivisanih predrasudama i zločina počinjenih iz mržnje, te segregacije u obrazovanju i korupcije. U realizaciji svih svojih aktivnosti, a uz pomoć Savjetodavne grupe mladih kao osnovnog nosioca aktivnosti u ovoj oblasti, Misija nastoji prepoznati i razmotriti težnje, potrebe i prioritete mladih.

Sloboda i razvoj medija

Misija prati slučajeve narušavanja slobode izražavanja i oglašava se u javnosti kako bi stala u odbranu medija. Misija takođe organizuje obuke za urednike i novinare, sa posebnim fokusom na obuke za studente žurnalistike.



Misija podiže svijest o toleranciji i poštivanju različitosti putem projekata i kampanja u koje su uključeni građani.

Osnovne informacije

(od septembra 2017. godine)

Šef Misije



Ambasador Bruce G. Berton iz Sjedinjenih Američkih Država je šef Misije OSCE-a u Bosni i Hercegovini od septembra 2017. godine.

Osoblje:



U Misiji je zaposleno 33 državljana stranih država i 287 državljana BiH.

Budžet:



11,373,600 EUR

Pratite OSCE



Misija OSCE-a u Bosni i Hercegovini
Fra Anđela Zvezdovića 1, UNITIC toranj A
71000 Sarajevo
Bosna i Hercegovina

Telefon: +387 33 952 100
Faks: +387 33 442 479
press.ba@osce.org
www.osce.org/bih
@oscebih